



Federacija Bosne i Hercegovine
Kanton Sarajevo
Skupština Kantona Sarajevo
n/r Mirza čelik, Presjedavajući Skupštine
ul. Reisa Džemaludina Čauševića broj 1
Sarajevo

Predmet: Saopćenje za javnost

Povodom istupa zastupnika u Kantonu Sarajevu g. Damira Nikšića da u radu Kantonalnog zavoda za zaštitu kulturno-historijskog i prirodnog naslijeđa postoji „rupa od četiri godine“ i da u Kantonu Sarajevo „nije postojala zaštita četiri godine“ kao i da su „iskopine ugrožene i rijeke i...“, direktor Zavoda g. Nerven Dacić pojašnjava da ga iznenađuje istup osobe koja sjedi u zakonodavnom tijelu Kantona i učestvuje u donošenju bitnih odluka za građane KS a da ne poznaje rad javnih ustanova kulture u Kantonu Sarajevo.

Ovim putem želim da podsjetim zastupnika g. Nikšića da Zavod kao institucija kulture svakodnevno obavlja svoje aktivnosti propisane Zakonom i Pravilima JU. Za direktora ove institucije Imenovan sam u skladu sa zakonskom praksom i procedurom 16.05.2018. godine (oglas, intervju, prijedlog UO, saglasnost Vlade, imenovanje) tako da sam nastavio rad svoga prethodnika do danas. Napominjem da od 05.10. 2018. ovaj Zavod nije imao imenovan UO i da je Ministarstvo kulture i sporta, na naš zahtjev da se razriješi situacija nepostojanja UO, 14.01.2019. godine donijelo Rješenje kojim je ovlastilo osobu koja će potpisivati naloge za plaćanje i druge akte iz nadležnosti UO za JU Kantonalni zavod za zaštitu kulturno-historijskog i prirodnog naslijeđa. To Rješenje je bilo na snazi do donošenja Rješenja o imenovanju novog VD Upravnog odbora. Nadzorni odbor nisam zatekao prilikom preuzimanja funkcije direktora Zavoda. Tako da isti nije ni zasjedao do imenovanja novog VD Nadzornog odbora 28.05.2020. godine.

Dakle, potpuno je netaktično i neprimjereno od zastupnika Nikšića da ovaj Zavod smješta u „rupu“ koja ne radi četiri godine i insinuiru da naš kolektiv prima plaće i doprinose a ne „radi“ i ne vrši zaštitu kulturno-historijskog i prirodnog naslijeđa Kantona. Smatramo da se ovakvim javnim istupima nanosi nesaglediva šteta radu, stručnjacima i svim onima koji se bave zaštitom naše baštine, a pogotovo je zabrinjavajuće ako ovakve neprovjerene izjave dolaze iz reda onih koji treba da budu savijest kulture i da svojim djelovanjem promoviraju kulturnu baštinu glavnoga grada, Kantona i BiH, a ne da je javno blate i devalviraju.

Prije iznošenja bilo kakvih etikecija uvaženi zastupnik Nikšić je mogao vrlo jednostavno provjeriti kako funkcioniра ovaj Zavod direktnim kontaktom ili preko službene stranice Zavoda www.spomenici-sa.ba, gdje može dobiti sve relevantne podatke u skladu sa važećim propisima. Istovremeno, o pravno-administrativnim postupcima Vlade i njenih



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĀA
SARAJEVO**


INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

službi, također se kao skupštinski zastupnik mogao informirati na vrlo lak način (Skupština i sve službe Vlade KS se nalaze u istoj zgradi).

Smatramo da zastupnik Nikšić treba uputiti javno izvinjenje Kantonalnom zavodu za zaštitu kulturno-historijskog i prirodnog naslijeĀa koji je u ovom dvogodišnjem periodu moga madata realizirao više projekata nego kompletan menadžment u poslijeratnom periodu na polju zaštite „iskopina i rijeka“ o kojima g. Nikšić paušalno govori, a sve je to također dostupno na službenoj stranici Zavoda jer je rad ove kulturne institucije krajnje transparentan.

Direktor

Neryin Dacić, dipl.ing.arh



Dostavljeno:

- Naslovu
- Mediji (putem e-pošte),
- Press služba Kantona Sarajevo,
- Premijer Vlade Kantona Sarajevo,
- Ministar kulture i sporta Kantona Sarajevo,
- Skupština KS – zastupnik g. Damir Nikšić i
- a/a